



UNIVERSITÄTS-
BIBLIOTHEK
PADERBORN

Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 2. Desumpta ex cap. 32. lib. Genesi, in quo describitur Discessus
Jacobi cum uxoribus è domo Laban, invidia ingrati socii eum insequentis
&c.

[urn:nbn:de:hbz:466:1-61252](#)

do? illicò hoc responsum subnectit: *Qui ingreditur sine macula, & operatur Iustitiam. Quod subtili indagine scrutatus magnus ille Basilius advertit: Prophetam non de præterito, sed tantum præsenti tempore locutum: & hinc dixisse, tunc à virtutum solidarum studio Iustis quiescendum esse, quando consensō monte Dei vivere desierint.* Vera S. Doctoris sunt: *Attende exactam diſtioniſ vim: non dixit, qui ambulavit, ſed qui ambulat, neque qui fecit Iustitiam, ſed qui facit: non enim unus actus perficit ſtudiosum virtutis operatorem, ſed per omnem vitam prorogari, & extendi conuenit virtutis actiones.* Porro ſicut scriptura hoc capite meminit: Jacobum varii coloris virgas ovibus suis objiciendō, ſuum gregem ingentī copiā auxiſſe: ita anima perfectionis studiosa intuendō & imitandō diversa Sanctorum exempla eorumque exercitia, grandem virtutum copiam colliget.

Doctrina 2.

Desumpta ex cap. 32. lib. Genesis, in quo deſcribitur Diſcessus Jacobi cum uxoribus ē domo Laban, invidiæ ingrati ſoceri eum inſequentiſ &c.

N.48. Considera: **Q**uomodo felicitas terrena comes sit invidiæ etiam respectu illorum, qui ſanguine conjuncti ſunt. Jacobo enim inſigniter ditatō filii Laban conquerebantur: *Tulit Jacob omnia, que fuerant Patris noſtri, & de ejus facultate ditatus, factus est inclitus.* v. 1. cap. cit. Ipſe etiam ingratiſſimus ſocer generum antea chariſſimum minacij vultu terrere cœperat. ò quām ſtolidi igitur ſunt homines illi, qui dies noctesque impendunt augendiſ fortunæ bonis, qui būs tamen obtentis præter immenſas curas & labores aliorum livorem in ſe provocant, etiam ab amicis & consanguineis non tuti. Si media pars tantorum laborum impenderetur acquirendis meritis, quæ hominem æternā ditant felicitate, quot Sanctos foret Christiano in Orbe numerare? quām pauci in exitu de hac mortali vita, & transiſtu ad coeleſtem Chanaan, haberent aliiquid persecutionis timendum à Dæmone, qui alias moribundos in hoc itinere inſtar furibundi Laban, Jacobum persequentiſ, vexare conſuevit. O quām veriſſimum eſt illud Thomæ Mori, litteris & pietate clarissimi viri edictum: quām plurimos in hac vita laborare, Infernum mercari, cuius vel diridio cœlum lucrati fuiffent. Spectemus paullisper Mercatorum hujus ſæculi

culi studia, quomodo absorpti & toti lucro suo immersi, omne tempus augendis impendant divitiis: seu mensæ accubent, seu cubitum concedant, seu strato assurgant, nil aliud animo volvunt, nil aliud manibus agunt, quam ærarii sui augmenta. *Jubet avaritia*, ut mare transeras, eos alloquitur August. in Psal. 18. & obtemperas; jubet, ut te ventis procellisque comittas; jubeo ego, ut ante ostium tuum, ex eo quod habes, des pauperi: piger ad faciendum ante te opus bonum, & strenuus es ad transeundum mare, ad horrea triticô, ad penuaria vinô & oleô, ad cistas aurô & argentô implendas. Hic curritur sine requie, hic laboratur sine defatigatione, hic sudatur sine tædio. Quod profundissime sibi cordi dicens magnus ille Indianum Apostolus Franciscus Xaverius erubuisse legitur: Mercatores prius ad Japonas contemptò vitæ periculô penetrasse, fluxas ac perituras merces illuc devehendô, quam ipse cœlestibus thesauris, quibûs fides Orthodoxa propagari posset, suam collocasset operam. Considerare inquit S. Hieron. ad Demetr. pudet: quantus sit fervor in seculo: ipsa magis etate inflammatur divitiarum amor, insatiabilis est, expleri necit harum cupidio: celerem res habitura finem sine fine quaruntur: nos cœlestes divitias, immortales honores pigrâ quâdam dissimulatione negligimus. Figuram habemus in Evangelico homine, qui deferebat manum dexteram, aridam penitus, & exercendo operi prorsus inutilem, sinistram verò succô plenam & ad labores expeditam. Ita proh dolor! ad colligendas opes, ad congerendos thesauros reperimur robustissimi, ad obtinenda cœlitum bona viribûs destituti, aut toti languidi. Metendum hæc, ne ferò & ferò queramur, quod quærebatur ille Secretarius Barrii teste solitud. p. 237. Qui fatali morbô oppressus exclamavit: ò me infelicem! qui supra 25. chartæ volumina conscribendis & signandis rationibus impendi, nunc verò moriturus non invenio modicum foliculum, cui rationes animæ meæ inscribam. Vivamus ergo Christiane Lector! me & te hortatur Chrysologus Serm. 12. Deo paululum, qui seculo viximus totum, dedimus corpori annum, demus anime paucos dies. Tempus est, ut aliquando nostra provideamus domui. Optimam vitæ partem obtinendis divitiis collocavimus, quas brevi hæredes divident, nostri nullam habituri memoriam. Parum superest vitæ, constans forte decem aut viginti annis: igitur sectandô virtutes vivamus hoc, paucô tempore, ut æternum vivamus. Consideremus quærelas illas, quas Jacob contra Labanum se persequenter effuderat v. 38. cit. capitî dicendô: *Viginti annis fui tecum &c. diu noctuque astu urebar & gelu,*

gelu, fugiebat somnus ab oculis meis &c. Considereremus inquam hæc verba, à quolibet temporalium rerum studiose objici posse mundo, quando mortis hora imminet: viginti videlicet annis, aut ultra *sui tecum d' mundo!* Quos serviendo tibi tot inter labores tot inter ærumnas consumpsi, & hem! mercedis loco id unicum habeo, ut me omnibus spoliis, transferendo illa ad ingratos hæredes.

Doctrina 3.

Desumpta ex cap. 32. lib. Genef. in quo describitur Jacobi Legatio ad fratrem Esau, lucta cum Angelo & Benedictio.

N. 49. Considera: **Q**uod etsi Jacob non ignoraverit: se vi Benedictionis paternæ constitutum esse Dominum fratri sui Esau; tamen mittens ad eum nuntios hisce verbis humillimis usus sit: *mitto Legationem ad Dominum meum &c.* Inde nos erudiens: ad placandas inimicos melius non reperiri medium humilitate. *Placantur, inquit Abulensis, animi submissione humili.* Regius Propheta 1. Paralip. Videns ante se Angelum evaginatō gladiō stantem, ad nullum aliud nisi humilitatis scutum confugit: ceciderunt (ut afferit textus facer) tam ipse quam majores natu vestiti cilicis, proni in terram &c. Et convertit gladium suum in vaginam. Jam duos Principes Ducesque militum coram Elia ignis ultor absumperat: quid ergo auxilii supererat tertio, quō fatalem à se averteret flamam? en! sola humilitas ei succurrit: curvandō enim genua fuorem Eliæ inhibuit, ignem represlit. Non sufficerat Dæmoni, contra Jobum assurgentí, abstulisse ei pecora, occidisse proles, acuisse in illum lividos uxoris dentes & linguam: sed nova identidem moliebatur mala, queis ipsum affligeret. At contra rabiem hanc se defendit Job strenuissime, corpus suum projiciendō super sterquilinium; in abjectissimo enim hoc loco positus, non poterat sibi ultra timere de profundiori lapsu. S. Antonius Eremita innumeros furibundi Dæmonis videns laqueos, universo Orbi præparatos, rogavit Dominum, querens: quis eos foret evasurus? & responso tulit: *Sola humilitas hos evadet laqueos.* Planè sicut soli pisiculi evadunt lagenam pescatoris, sic soli humiles infidias Dæmonis & aliorum inimicorum effugiunt. Repones forsitan Christiane Lector; per humilitatem minus autoritatem personæ, perdi respectum,